

明詩別裁集

掃葉山房
石印

明詩別裁集

清聖宗
五十年

清詩別裁集卷十八

禮部尚書臣沈德潛纂評

陳鵬年

字北溟。湖廣湘潭人。康熙辛未進士。官至河道總督。諡恪勤。著有滄洲詩集。

新春雜感次韻和中山

鐵甕城邊路。金焦江上山。蛟螭蟠地軸。豺虎踞天關。皎日羣陰散。春風十畝閒。煙雲儼圖畫。蠟屐好躋攀。

京江雜詩

傑閣俯城陰。闌干每一臨。曲阿秦郡縣。北府宋園林。山色分吳楚。江流自古今。春風滿天地。無限望鄉心。

送靜庵僧之五臺結夏

五月正炎熱。山寒不可勝。好將雙赤脚。去踏萬年冰。虎石階前伏。龍雲窟底興。欲隨飛錫住。松雪路層層。

江干

愁雲毒霧鎖江干。院落沉沉晝景寒。貌虎千重森鐵索。鸞霄何日下金竿。迢遙跽石呼難徹。寂寞丹心淚已乾。蟣蝨一身天萬里。仍依北極望長安。

忠愛之忱。時時流露。故終免於難。

與許謹齋都諫夜話

琪樹琳宮鎖寂寞。逢君燒燭坐寒宵。三春華髮棲江表。五夜丹心戀聖朝。禁闥似聞憐直湖。山自合。老漁樵。鯉魚風裏桃花水。共聽南徐早晚潮。

移寓城南草堂紀興

北堂遙隔楚雲西。遠近浮槎理亦齊。豈有園官供菜把。仍催稚子樹雞栖。寄奴井在泉堪汲。丁卯橋荒路不迷。比似成都留杜老。居人指是浣花溪。此在京江時移寓玩其詩意若欲終老於此者然

冬日感懷

河淮重寄寵旌旄。方畧頻傳霄漢高。中夜扁舟偕奮錫。經年匹馬狎波濤。廟堂正切宣防計。簿領仍懸撫字勞。漸看海疆今沃壤。桑田兒女獻春醪。此為從事河工而作乃當日事也下二句

追念前事

清時稽古獨優崇。詔許諸儒集禁中。花發上林春窈窕。雪晴阿閣日曛曛。直廬夜青藜照。講幄朝呈白虎通。痛定相纍懃報國。早囊無補但雕蟲。此懷武英殿修書而作平生夢落五湖邊。竹馬重來事黯然。蠲賜歡聲方動地。滯淫秋水又浮天。東南財賦無籌策。士女嬉遊有歲年。春樹萬家烟霧裏。白公隄上每流連。此懷治吳舊事而作公先為郡守後署分

藩茲有竹馬
重來之語

黃叔琳

字昆岡。安徽宛平人。康熙辛未。賜進士第三。入官至吏部侍郎。先生年十九登第。後庚午年未諸舉人進士。兩詣其第。稱後同年。讌會談。

熙朝盛事云

柏林寺觀李晉王畫像歌

沙陀懷古趨僧舍。駐馬柏林還有畫。素絹拂拭生輝光。神威凜凜鬚眉張。紅袍玉帶。結束好。唐季英雄一目眇。當時角立有朱三。百戰千戈人易老。國讐未復留遺恨。破碎山河安足問。莊明帶劍左右立。錦囊盛矢受遺訓。誰歟寫照妙入神。李家父子俱天人。鷹揚虎視空一世。經營慘澹傳其真。千載留貽歸淨域。世無別本須珍惜。搥圖四壁起英風。想象沙場萬人敵。寫出晉王英氣勃勃。錦囊三箭宛然如在目前。非此詩不稱此題也。

送孫文博之雲南省親

此去行歌陟岵詩。短長亭外柳如絲。雨過山驛雞啼竹。風送江程猿挂枝。花下迎親餘曉署。尊前憶弟發春池。可能裁得消息錦。六六紅鱗寄莫遲。

高孝本

字大立。浙江嘉興人。康熙辛未進士。知澄縣事。績溪著有固我叟詩集。

沒字碑

山巔樹石表。雷雨終不歇。捫讀了無字。傳是秦皇碑。東封銘功伐。曷詔丞相斯。或云

藏金策。石函外覆之。亭亭青漢間。觀者徒然疑。祖龍昔多詐。茲意諒可知。六籍既已燔。焉用文辭為。將以愚黔首。徒令萬古嗤。沒字碑向無實指此以焚書愚黔首意實之應為定論

登華山

萬古神靈嶽。三峯鎮雍州。首陽曾北裂。星宿此東流。臺駐軒皇蹕。天垂白帝旒。行携九節杖。長嘯訪丹邱。

誰開千尺峽。斷處若相連。豈有丹梯接。惟憑鐵綆懸。猿攀巖倒上。鼠伏穴傍穿。自度

車箱谷。飛昇傲列仙。

劉君東郎述登華之險全憑鐵索鐵索以上復用倒攀旁穿詩中兩聯直寫得盡

直到神仙窟。陰陰紫翠濃。希夷雲際卧。毛女樹邊逢。二十八潭水。五千餘仞峰。烟霞都踏徧。欲跨兩茅龍。

贈王山史先生

紫氣行看近。重重嶺上雲。山尊秦二華。名重漢三君。獨鶴亭初到。如鸞嘯乍聞。欲依張楷市。可許一厘分。

鹿忠節公祠

鹿太常善繼

自是胸藏十萬兵。提戈出塞事無成。廟堂不惜封疆壞。門戶惟知水火爭。辛苦四年隨相國。倉皇一死殉危城。白楊風急祠前樹。猶作金戈鐵馬聲。

姚弘緒字起陶江南華亭人康熙辛未進士官翰林院編修著有含飴堂詩集

送閩荊州終養歸中州

驪歌聽罷惜離群。折柳春城倚晚曛。日下重君能愛日。雲間愧我尚瞻雲。霞觴味並金莖賜。綵袖香從玉殿分。聖主恩深親未老。好承庭訓答明君。三切不入於雅

程文正字范村江南江都人康熙辛未進士官工部主事

采石亭翰林墓

蒼蒼松柏繞層岑。謝眺青山墓翰林。天子呼來猶得謗。世人欲殺亦知音。烟迷墓杏漁樵路。月照樓空江海心。鸚鵡鷓鴣杯杓好。死生有約酒星沉。若尋常待之矣語極警

極快若黃九烟見之必采人驚天集中

錢王廟

霸業分星占斗牛。當年氣蓋海山秋。三千客自知羅隱。四十州空問貫休。鐵箭尚藏遺廟在。錦衣誰似故鄉遊。殘碑有字還堪讀。玉局鴻文筆力遒。三四本著作對天然名警

姚士陞字別峯江南桐城人康熙癸酉舉人著有空明閣集

月夜泊慈水

舟泊聞宵柝。鄉心正鬱陶。岫蟲秋老急。江月夜深高。兒女懸雙淚。年華送二毛。嗟余

悲失所。踪跡獨勞勞。

送五弟

自注時欲遊蕭山

官遊記汝懸弧日。一瞬滄桑十八年。早歲負薪廉吏後。重來衣葛故人前。出門含淚離慈母。長路衝寒值雪天。好認荒祠拜先子。江郎橋畔古壇邊。

別峯考作令蕭山其弟生長署中故有重

來衣葛之語

有懷

但分離處即天涯。若個離家不憶家。自笑欲歸歸未得。也將歸信卜燈花。

顧圖河

婆書字叔蘭。臯蘭人。康熙甲辰。雌齋集。○太史韵語都從性靈流出。無一言依傍。鄙意深喜。但所得詩只

二卷未見全帙。從前與令嗣善。不及一借。今令嗣善已見古人誠可惜也。

攝生

保國釋外懼。攝生留小疾。朽索馭羸馬。徐行百無失。中疎固其銜。獲少靳其出。割慾如守疆。謹身如縛律。不讀黃老書。淵冰豈戰栗。

自恃強健。每易傷生。留小疾。正以攝生也。固其銜。靳其出。得老氏精蘊。

任運

善走須得途。邪徑不可行。善博須得盧。不闕人力成。達人期任運。世路誇趨營。百慮輸一忘。百巧輸一誠。不見信天翁。亦得全其生。

慮輸於忘。任運也。巧輸於誠。任運中有工夫。在更說得密。

息交

君子如春風可愛不可竭。小人如酒顏但得暫時熱。急弦莫浪彈。一彈弦一絕。市交莫浪交。中路難固結。惟當同心人。可與論金鐵。狀小人之交喻新而確連上二章皆閱歷有實得語

諸葛銅鼓

武侯未築祁山壘。先出偏師渡瀘水。人言孟獲不足擒。股掌玩之徒戲耳。豈知北伐用南夷。正欲中原掃讐恥。焚人竿馬供鞭驅。羅鬼烏蠻皆效死。至今銅鼓散山谷。尚戶流傳尚誇侈。精銅其質草其音。想見援袍兵四起。烏蛇龍虎倏離合。戎機萬變人難擬。曾傳八陣有遺蹟。更說旗臺餘故址。此鼓千年尚宛存。血戰消磨土花紫。君不聞定軍山下陰雨中。山鳴雷動聲隆隆。埋鼓鎮蠻功未畢。反旗走敵恨無窮。肅公之平南夷正

為北伐計也議論正大寫銅鼓處亦有聲有色

斷硯歌為姜西嶼先生賦硯為家梁汾舍人擊碎

姜侯硯小纔如掌。玉膩金清世無兩。隕塵發采宣毫爽。酒半傳觀各跨賞。舍人怒起奪之急。娖罵何堪一錢直。奮捷頓似玻璃折。滿座失聲留不得。物之成毀有由然。舍人辯口方便便。君不見姜侯醉作艸聖狂而顛。怒猊跏趺龍蜿蜒。又不見姜侯著書卷幾千。抵突彪固追談遷。脫手便有風雷纏。廟堂頗復急此賢。諸公百僚壓其巔。祿

米不救飢。窮馬用此石空鑽研。羈窮白首默自憐。嗚呼。胡琴摔破不復絃。唾壺口缺那更全。姜侯乃煎鱗角鳳觜之膠重綴聯。玉蟾吐水調松烟。摩挲自謂石可田。石鄉可遊吾老焉。借舍人口中極抒憤懣不平歸到姜侯恬然自安尤見身分若無此一結易流於麓

天平山

山遊窮日返。絕勝數天平。偉石皆人立。欹崖忽鳥驚。僧龕雲共住。樵路鹿兼行。耳畔猶虛響。淙淙落澗聲。

呂履恒

字元素河南新安人康熙甲戌進士官至戶部侍郎著有夢月巖集○追六代以上而從之可云特立獨行者矣今後人之詩尚能篤信家學

祖越寺至羅漢洞

空山寂無聲。鐘磬自生響。宛轉松石間。忽來雲鳥上。筋骨未遑安。耳目已豁朗。巖腹正中穿。出入隨俯仰。混沌誰開鑿。玲瓏非意想。仰視縹緲峰。天表撐一掌。其上有飛觀。安能度袁廣。自非餐霞人。邈然不可往。出入隨俯仰五字寫盡穿洞神理

關門行

自注新安一名鐵門

哀陳公也公諱顯元楚之蘄州人

崇禎壬午今新安以息民為治時洛郡失守屬城邑皆隳公率民登鐵門砦日

夜守陴不為動。賊檄公公碎其檄。大罵賊。怒并力攻之。砦啟。無少長皆屠。公走。且呼曰。糾民守死者。縣令也。宜殺某勿苦我民。賊不顧。公持其刃呼益急。遂殲焉。其子某亦遇難。遺民三十六人為負土築墳。予聞諸父老云。

澗水奔山。鑿石根。逆流百折。趨鐵門。鐵門山上。壘培在。居民曰。是陳公屯。瓦礫崩翻。燒黔黑。荒塚艸白。天黃昏。猶傳壬午世反側。函谷關潰無完邑。我公陟嶽。闢巉石。率民堅守。勿降賊。賊移檄文。謂公語。彈丸區區。何自苦公。揮礮石擊賊軍。雙皆俱裂。罟狗鼠黃巾萬眾并牛力。飛鏃滿眼。天地黑。累卵難支。巢樹傾。蒼顛黃口。遭到磔。更張空拳。無所懼。齧齧血頸。僵不仆。同時哲嗣亦罹殃。遺民負土營雙墓。吁嗟乎。天柱地維昔崩摧。金城鐵甕空。崔嵬北門鎖。鑰墮燕薊。上東門亦軍延開。迎降倒戈。滿眼是公獨守死。何雄哉。春來杜宇猶啼血。瓦棺不朽。常山舌落落。青松三尺堆。常照萬峰萬古月。

早發褒城

旅客聞雞早。征車發驛亭。江城搖落月。石棧出寒星。林啟前村白。天迴遠岫青。七盤關下水。幽咽不堪聽。

梁州

蜀道天難上。梁州路已遙。岷嶓嶓北。戒江漢導南。條落日七盤嶺。晴天萬里橋。獨留懷古意。歌哭未能銷。

留別漢南諸子

白起城邊草。年季怨別離。漢王臺上月。夜夜照相思。歧路自茲去。故人何處期。潏潏數行淚。東盡漢江湄。茲取其格不在語言之工

棧中

九折征鞍一敝裘。壯遊心曲在梁州。山當子午縱橫處。水落褒斜日夜流。秦氏餘威碑字滅。漢家殘燒石痕留。昔年義舍勞尋問。衰草寒烟見旅愁。前七字中近李北地

潼關用崆峒原韵弔孫司馬

漢京形勝枕雄關。指顧山川一掌間。地險半開函谷月。天青唯見首陽山。中官催戰來何疾。司馬揮戈去不還。萬古黃河流血淚。春風慘澹旅人顏。弔孫傳庭也傳庭幾滅寇因天雨催戰而

敗傳庭死而明亡矣一結深忱痛之

金川門詠史

金川北望日黃昏。聞道燕師入此門。不見古公傳季歷。祇知太甲是湯孫。風雷豈為鷓鴣變。江漢難招杜宇魂。南渡降旗何面目。西山省恨舊乾坤。議論正音響高此種詩用全力而成

孫大帝廟

仲謀才志擬難兄。江左開基事竟成。讐國稱臣緣底急。同盟歸妹卻相傾。南邦文武材何在。東鄂江山蹟已更。惟有遺宮傳避暑。古苔荒艸對孤城。
愚嘗有句云。彼亦豚犬流鳥足。稱英雄。
降曹丕而謀西蜀。何顏見桓王於地下耶。

荊州懷古

嘗思痛飲讀離騷。萬古傷心在二毛。風雅以還兼正變。懷襄之際獨憂勞。同官已如能文寵。弟子猶傳和曲高。此日九原難可作。東門隱隱見蓬蒿。
領聯寫盡屈子生平

嚴子陵祠

自注祠在鞏縣

霜落秋城木葉丹。客星祠畔肅衣冠。故人無意驕同卧。天子何能屈一官。嚴瀨江山空浩渺。原陵松柏自高寒。東都多少知名士。不及冥鴻一羽翰。

山海關

天際重關虎豹扃。前瞻雲樹尚冥冥。山餘落日千峯紫。海瀉遙空一氣青。漢塞烽煙亭甓壞。秦城膏血土花腥。漫吟碣石東臨句。絕代雄才敢乞靈。

許由塚

青山頂上一孤邱。俯視陶唐十二州。偶使人間知姓字。遂教潁水沈清流。

荆山

自注懷遠即卞和采玉處有抱璞巖

玉蘊山輝自有期。匹夫銜璧罪何辭。那知太璞元來貴。不在連城互易時。

見王之貴不在既剖

後也。為比德於玉者。增長聲價。今之抱璞者。急欲銜奇於人。何哉。

陳璋

字鐘庭。江南長洲人。康熙甲戌進士官至翰林院學士。著有東冶集。學士。係左之先生。令嗣韻語克承家學。即應制詩亦不膚浮。其本願可知矣。

閩山雜詠

初識南甌路。灘船匝月程。江留螺女迹。臺記越王名。地氣三春冷。天時半日晴。誰呼行不得。江上鷓鴣聲。

屬國滄溟外。雄圖壓巨鯨。城隅防鼠雀。市上賣弓刀。旗鼓雙峰雨。樓船八月濤。將軍今坐鎮。冠蓋路相高。

萬井山環抱。南圖亦壯哉。槎從天漢上。門傍海雲開。烏石藏幽寺。青榕蔭古臺。到今傳孽荔。壇坫願追陪。

七月己未恭接

誥命

少作貧家婦。歸寧更不歸。九京加翟茀。六月感牛衣。自注前室王氏歸余纔半載。故旋有歷下之行。遂成永訣。鏡照顏慙。宵鐙入夢稀。此生同穴誓。何日重相依。

過張桓侯故居

漢鼎三分日。桓侯戰伐高。心猶輕馬越。氣已奪孫曹。國莽生何惜。精靈死亦豪。英風留涿鹿。不翦舊蓬蒿。不填故實自是桓侯確移壯繆不得

秋獵應制

羽林按部下天閭。大漠風高兩翼張。獵火燒原秋草黑。陣雲圍磧暮山黃。太平不廢三驅盛。神武能調七萃良。應有非熊占吉夢。遊畋自古陋長楊。

滄洲兄弟上詠冰

客醉宜供醒酒冰。水晶盤內露寒稜。直疑夏月常堆雪。不待秋風始掃蠅。裁作花紋看頃刻。削成山勢笑憑陵。多君心地清如許。好為人間散鬱蒸。兩聯俱揭白勝子前奉勅和御製詠

冰原韵中云蠶種應知幻山容未許憑遙遙印合

西出居庸關

西出雄關路屈盤。風雲重接舊征鞍。山如屏合窺天小。水作虹流入耳寒。萬里女牆連雁塞。百年兵甲洗桑乾。太平氣象無中外。鎮朔臺高立馬看。

閩灘竹枝詞

船如紙薄不經風。三扇低遮箬葉蓬。萬丈龍潭千尺浪。也堪愁煞鐵梢公。閩諺有紙船鐵梢公

語之

虎踞龍蟠似此無。風雷怒挾一舟孤。千堆亂石排刀劍。直作南陽八陣圖。

張逸少字天門江南丹徒人康熙甲戌進士官至侍講學士

北征凱旋詩

獨斷行天討。親征下詔書。六師誰敢敵。萬里惣長驅。列缺轟雷礮。橫參耀隼旗。鉤環紫極。肅肅護儲胥。

變化鳥蛇陣。橫縱虎豹韜。風生羣馬嘯。日落大旗高。御仗森金甲。軍鋒淬寶刀。勝兵嚴壁壘。誰敢卸征袍。

聖澤如時雨。軍中盡感恩。犀衣頒七校。駿騎給千屯。令自秋霜肅。綸同春日溫。眾

心連指臂。飲馬黑河源。

神兵天上落。迅疾下蘭皋。螳臂當車轍。洪爐燎羽毛。妻孥俱自盡。醜類敢潛逃。已奏

犁庭績。應將弓矢索。地中鳴鼓角天上落將軍已為勝兵況天子自將從天而下乎一氣相生無一懈筆六章中尤推稱神勇

俘謀邀寬典。恩先赦脅從。軍門齊歎縛。聖度自包容。日逐誠難赦。昆邪亦可封。因

知沙漠外。頻首望顯顒。

掃穴傳方畧。豐碑勒武功。亦曾資眾策。只自斷宸衷。戰伐夷頭曼。威名儼有熊。歸

來頌賞賚。燕饗賦彤弓。親征至凱旋六章已備章法句法字法無弗老成鍛鍊應推能手

高其倬字章之奉天鉄嶺人康熙甲戌進士官至戶部尚書謚文良著有味和堂集

行役曉發

飛鳥翔遙林。街喃戀故枝。人生重離別。况我親衰時。升堂告行役。暗淚腸中垂。未言向何處。先說還家期。慈親起送我。語好顏色悽。愛我不便哭。願我平安歸。家貧萬事乏。供饋倚病妻。嫁衣典已盡。不復餘襦幃。男兒羞低顏。舍子將語誰。在家同一愁。出門成兩悲。傷心最何物。雙輪八馬蹄。今日行門前。明日行天涯。塞水鳴咽流。木葉高下飛。天晴尚愁人。風雨秋淒淒。

合至情無以成詩先寓慈親之慈次寫閨中之賢良萬事倚托字字從心坎流出與東野遊子吟可並讀

古北口

九邊雄寰中。古北乃其一。北顧闕居庸。南境抵遼碣。屹然介其間。長垣兀積鐵。高冒峰巒巔。低竟蛟龍窟。晴空展虹霓。海勢現城闕。千里不可窮。隨山遠曲折。城頭一杯土。黎庶九州血。作俑趙與秦。流弊及明末。貂璫東國成。書生總戎律。志擬封狼胥。兵不踰房閭。颯沓西風來。萬騎射南月。騰凌在俄頃。若蹴蚍蜉堞。深源竟喪師。無忌空抱節。可憐邊沙中。青燐照白骨。城同夏鼎傾。事與秋煙滅。齷齪何足論。階厲病前哲。不見張韓公。築城門不設。從來守邊術。能戰守可說。更有必勝方。千古同一轍。赤子付龔韓。白麻命蕭葛。

卷人秉成堅偏總或徹徹狒狒赤子為白骨矣未見能戰方許能守而要歸於循吏之愛民賢臣之執政識拔本塞源之見